

SONNENNEU

Rozen Kaudan

Moderato. Mét. ♩ = 132.

É par-réz Kau - dan, é la-rér, gé, É parréz
 Kau dan, é la - rér : É par - réz Kaudan
 é la - rér, É hes ur ro - zen - nig ti-nér, gé,
 É hes ur ro - zen - nig ti - nér.

É parréz Kaudan, é larér, gé,
 E hes ur rozennig tinér, gé.

É neptu ne vehé kavet
 Rozen ken kaer èl Iouañned.

Konz e hrér a men dimécin,
 Mes pas d'en hani e blij d'ein.

Konz e hrér d'ein ag en Oriant,
 Mes tostoh kalz é ma me hoant

É parréz Kaudan, ér Goh-kér,
 Ha, mar klasket gout ém fenhér.

Chetu é tont me haranté :
 — Diméamb en eil d'égilé.

— Na penaus dimécin hun deu
 Hañni anomb nen des madeu ?

N'hun es na ti na loj erbet
 D'en noz, eit monet de gousket.

— Ni hrei hun deu èl er glujar,
 Ni gouskou d'en noz ar en doar !

Ni hrei èl er réral eùé,
 Ni brenou ur bank, ur gulé ;

Ni brenou ur bank, ur gulé,
 Ur havelig doh é gosté,

Ur havelig doh é gosté,
 Eit luchennat hunharanté...

Dastumet get L. HERRIEU.